

Fra: Kent Valio (kent.valio@kautokeino.kommune.no)

Sendt: 18.11.2019 14:19:41

Til: Kautokeino kommune

Kopi:

Emne: VS: Sámi kultur- ja máilmmiárbeguovddáš

Vedlegg: oktasas181119.doc

Fra: Svein Lund [mailto:sveilund@online.no]

Sendt: mandag 18. november 2019 11:01

Til: Ol Johan Gaup <producer@samieasterfestival.com>

Kopi: Johan Vasara <johan.vasara@kautokeino.kommune.no>; Anders S. Buljo

<Anders.buljo@kautokeino.kommune.no>; Ellen J Sara Eira <ejs.eira@kautokeino.kommune.no>; Kent Valio

<kent.valio@kautokeino.kommune.no>; Karin Hætta <karin.haetta@kautokeino.kommune.no>; Bodil Utsi Vars

<Bodil.Vars@kautokeino.kommune.no>; Rolf Degerlund <rolf@beaivvas.no>; Brita Triumph

<brita.triumf@beaivvas.no>

Emne: Re: Sámi kultur- ja máilmmiárbeguovddáš

Bures, Ol-Johan ja buot mielbargit!

Oktasaš čájáhus Kulturviesus

Meahceguovddáš lea hui ilus go viimmát lea čilgejuvvon geat galget veahkehit min ráhkadit čájáhusa. Midjiide lea hui vuogás ahte čájáhus šaddá Kulturviesus, gos mis leat iežamet čájáhusat ja kántuvra. Vuosttaš hástálus lea čilget gokko Kulturviesus galgá čájáhus leat, gos Meahceguovddáža iežas čájáhus sáhtá leat ja makkár sadji ferte várret Beaivváži ja eará doaimmaide. Mii leat geahččalan oazžut kontrávtta suohkanin Kulturviesu geavaheami birra, muhto suohkanis lohke ahte álggus mii geat galgat ovttasbargat oktasáš čájáhusain gaskaneamet fertet čilget gii ja mii sáhtá leat gos.

Mii áigut mitalit mii mis lea dál, mii sáhtá leat odđa, bistevas čájáhusa vuoddu:

Meahceguovddážiis lea dál čuovvovaš čájáhusat Kulturviesu feaskaris

A. Geologalaš čájáhus: 4 hildu geđgiiguin, 5x3+1 čájáhusseainni (oktiibuot sullii 32 m² areála) oppalaš ja báikkalaš geologiija ja ruvkkiid birra. Beavdi man alde leat bovreniskosat ja sáhtá leat mikroskopat.

(Dát oassi berre leat Kulturviesus bistevas sajis, ja sáhtá leat oassin oktasáš čájáhusas, muhto sáhtá buoridit muhtin osiid.)

B. Eará fáttat: 3 čájáhusseainni mas leat 3 m² guđege fáttas: Šattut, Lottit, Guollebivdu, Boazodoallu, Guovdageainnu-Áltá-buoddu (3m² lea guorus).

(Dát oassi lea leamaš jođu ja jurdda lea sáddet dan fas johtui skuvllaide ja eará ášahusaide. Ovdal go dahkat dan fertet dearvit guorus saji ja divvut veahá duos dás. Berre leat vejolaš sáddet daid odđajagi rájes.)

C. Iežamet presentašuvnna: Unnit čájáhusseaidni (3 oasi oktiibuot sullii 2m², beavddi nalde) mii čilge Meahceguovddáža historjjá ja višuvnnaid. Lea dehálaš midjiide ahte Kulturviesus lea dákkár presentašuvdna, ja livččii buorre maiddái presenteret eará mielbargi ášahusaide. Sihke sisdoallu ja hápmi berre ođasmahttit.

Meahceguovddáža stivra lea mearridan ahte mii háliidit searvat oktasáš prošehtii čájáhusain maid mii gohččudit "Guovdageainnu meahci riggodagat". Jurdda lea čájehit man stuora luondduriggodagat leat dáppe: minerálat, šattut, eallit ja mo dat leat leamaš, lea ja sáhtá leat riggodahkan olbmuid. Dat lea stuora fáddá, ja álggus sáhtá leat dušše oasit, muhto háliidit ahte čájáhus huksejuvvo dan láhkái ahte šaddá vejolaš viiddidit dan dađistaga.

Dán oasi vuoddu sáhtá leat govat ja govateavsttat mat mis leat min johtti čájáhusain ja eará govat mat mis leat neahttaesiiddus <http://meahcci.info>. Dasa lassin mis leat govat iežamet arkiivvas ja mis leat mánga mielbargi geain leat ollu govat mat eai leat vel min arkiivvas. Govaide mat leat čájáhusas lea juo čállon teavsttat sámegeillii, dárogeillii ja engelasgeillii, govaide mat leat neahttaesiiddus lea teaksta dábbalaččat dárogeillii, muhtin muddui sámegeillii ja arkiivgovaide ii leat vel teaksta.

Mis leat sullii 450 girjji luonddu birra, ja muhtin dain girjjiin sáhtá sihkarit geavahit čájáhusas. Mis leat maiddai ollu geađggit daid

lassin mat leat čájáhusas. Mis leat 3 mikroskopa ja dihtorneavvut, ee. guokte liigešearpma. Mis eai leat ollu eará dinggat čájáhussii nugo bivdinneavvut ja elliid bázahusaid, daid ferte ohcat eará gálduin.

Ekonomalaš dilli:

Mii leat dál čállime kontrávttaid ja máksime govaid ovddas, mat mii leat ožžon sullii 50 govvejeaddjis/ásahusain, ja jáhkkit ahte mii geargat dainna dán mánus, nu ahte galgá leat čielggas ahte mis leat buot vuoigatvuodat govaide maid mii diktet oktasaš čájáhusa geavahit. Mii leat ipmirdan nu ahte ruđas maid suohkan lea juolludan, de galget guovddážit oaččut mávssu dan barggu ovdas mii lea dáhkkon dainna maid diktet oktasaš čájáhusa geavahit, dat mearkkaša ee. govat ja bargu čállit ja jorgalit teavsttaid. Mii sávvat ahte jođánit čilgejuvvo man ollu mii galgat oažžut, go mii eat beasa viidáseappot ovdal go mii nagodit bálkkáhit bargiid.

Goas mii álgit? Mii leat gárvvis álgit vaikko ihttin, ja sávan ahte dán vahkus beassat deaivvadit musihkafestiválain ja Beaivvážiin ja ságastallat viidáset barggu birra.

Ja loahpas: Ol Johana reivves nammaduvvo álbmotmeahceguovddáš. Mii leat čállán Anárjoga álbmotmeahci ja eará suodjalusguovvluid birra iežamet neahttasiiddus ja čoaggagoahtán govaid, muhto mii leat vuordán veahá dainna go háliidit čilget ovttasbarggu ja bargujoahkima Álbmotmeahcestivrrain ja -hálddašeddjiin. Mii jáhkkit danin ahte dán oasis berret mañidit ja ahte sierra álbmotmeahcečájáhus ii šatta mielde vuosttaš oasis mii galgá leat gárvvis 06.02. muhto ahte mii sáhttit geahččalit dahkat dan boahte ceahkis, omd. 2010 čavčča.

Dearvvuodaiguin

Guovdageainnu meahceguovddáš

Karen Marie Eira Buljo

jodiheaddji

Svein Lund

čáli

Dnia torsdag 14. november 2019 kl. 14.52.42 CET Ol Johan Gaup pize:

Bures buohkaide, dá diehto mot prošeavttáin dál ovdana.

Mis leat leamaš hástalusat dan rájes go oaččuimet prošeavtta gávdnat kurátora/čájáhushábmeajeaddji geas lea váldoovddasvástáduš čájáhusa oažžut heivet oktii ja heivet Kulturvissui sihke hámi ja sisdoalu ektui. Dat lea dat stuorimus ja dehálemos bargu dán prošeavtta siskkobalde.

Dál leat gávdnan ovttasbargoguoimmi. Beaivváš Sámi Nášunálateáhter Rolf Degerlunda bokte lea miehtan váldit badjelasas olles barggu. Sii leat dál iežaset doaimma ektui dál dakkár áigodagas gos sidjiide soahpa bargat dákkár bargguin go eai leat čájálmastat «ruovttus». Sis lea sihke gelbbolašvuohta, návccat ja rustegat bargat buori barggu ja ráhkadit nanu čájáhusa ja dovdet sihke Guovdageainnu ja Kulturviesu bures.

Ollislaš mihttu prošeavttas lea oččodit máilmmiárbbi Guossastanguovddáša/Besöksentera Guovdageidnui mas lea sisdoallun Tromholt govat, Struve meridianbue, Anárjoga našjonalpark/luondduguovddáš ja árbevirolaš luohiti. Prošeavttas ii šatta vejolaš máilmmiárbeguovddáš-organisašuvnna/AS dahkat dán ulbmilii muhto rapporta hámis buktit buoremus árvalusa mot sáhtttá čoavdit. Prošeavttas iige leat vejolašvuohta viessoláiggu gokčat iige bargi/rabasáiggi doallat doaimmaáigodagas muhto ahte Guovdageainnus suohkan doaimmaha dán beali. Doaimmaáigodat berre leahkit unnimus jagi. Olles bohtosa oamasta Guovdageainnu suohkan.

Dás šadda pilotčájáhus ja -čilgehus mot máilmmiárbeguovddáš sáhtttá doaimmat Guovdageainnus. Dán pilota galga Guovdageainnu suohkan geavahit vuodđun oččodit bistevaš ruhtadeami numot autorisert besöksenter, muhto vejolaččat maiddá earábáikkiin. <https://soknadssenter.miljodirektoratet.no/Soknader/Info.aspx?id=14&soknadsaar=2017&Menyvalg=SOKNADSSENTER>

Guovdageainnu meahceguovddáš lea čilgen olu vejolašvuodáin: <http://meahcci.info>

Jus farggamusat álgit bargguin de sáhtta leahkit gárvvis čájáhusrahpan Sámi álbmotbeivve vahku 2020is. Mii boahtit bivdit juolludeami olggosmáksojuvvot midjiide vai sáhttit bidjat doaimmaid johtui. Dás galgat vuosttažettiin hábmet prošeavtta fárrolaga Beaivvážiin ja bušhtteret barggu.

Dearvvuođanguin / Regards

Oi Johan Gaup

Buvttádeaddji / Produsent

Sámi musihkkafestivála

producer@samieasterfestival.com

+47 977 34 966

<http://samieasterfestival.com>

2. jul. 2019 kl. 14:56 skrev Johan Vasara <johan.vasara@kautokeino.kommune.no>:

Sámi Musihkkafestivála / Oi Johan Gaup

Buorre beivvi,

Čujuhan prošeaktii man Sámi Musihkkafestivála doaimmaha Guovdageainnu suohkana ovddas. Dál ovdalaš geasseluomu livččii buorre čoahkkinnastit, gos mii fárrolaga mannat čađa statusa ja viidáseappo proseassa birra.

Heivešii go čoahkkinnastit juogo duorastaga dahje bearjadaga dán vahku? Goappešat beivviid dii. 11.00.

Čoahkkimii searvván mun ja suohkanstivrra beales nammaduvvon bargojoavku (geaidda heive boahit).

Dearvvuođat / Med vennlig hilsen

Johan Vasara

Sátnejođiheddji - Ordfører

Guovdageainnu suohkan - Kautokeino kommune

Tel. 93099520